

Бухоро уламозини, асосан, икки фиркага таксим этиш мумкиндир. Бири Бухоро ва унинг теваракиндан тўпланиб тахсил килатурган бухорийлар, иккинчиси Бухоро хонлигининг Шарк тарафиндаги Кўлоб деган тоғлик ердан келган кўлобилар. Тарихи исломдакиси бани Хошим[1] бани Умавия[2] ўртасида бўлгани каби Бухоро уламози ва кўлобилар орасинда эски бир даштлик[3] бордир. Бу душманликнинг бош сабаби хозирги Бухоро козикалони бўлган Бурхониддиннинг бобоси кози Садриддин Мулла Тўхмак ўғли[4] деган зотдир.

Кози Садриддин(дан) бурун бўлган Бухоро муллаларининг барчасига бир кўз караб хар бирига мустахик[5]буйдиги илмий мансабларни бера(р) эканлар, Мазкур Мулла Садриддин Мулла Тўхмак ўғли Бухорода козикалон ўлгач, иши тезлашиб кетган. Бу одам аввал Бухоронинг вақфларига ва бошқа ишларига буюк хиёнатлар килган: халк устига «аминона»[6] деган бир солугки ёлгондан шаръий деб юклаган, кўб вақт ерларини, вақф окчаларини ҳукумат хазинасига оғдарган, шу йўллар билан амирни(нг) ўзига тобеъ килиб олгандан кейин Бухоронинг ёғли мансаблари (ки) ўз кўлобиларига олиб берган.

Бу одам диний илмлардан (Куръон ва Хадисдан) бутун хабарсиз бир одам экан. Бир кун буюк бир илмий мажлисда Куръонни очиб саҳифа бошиндаги сурадан ибтидоси бўлган «хамаси»[7] жумлайи шарифини «хам ишк» ўкудиги Бухоро уламози орасинда машхурдир. Унинг бу холлари бухороли уламонинг нафратларига сабаб бўлди. Кози Садриддиндан неча йил кейин ўғли Бадриддин козикалон бўлди. Бу одам дахи отасининг йўли билан юра бошлади. Ўзи илмсиз бир киши эдуги учун маълумотли уламодан кўркар ва унларни иш бошиндан тушура эди.

Ўз кўлобилари орасиндан жохилларини сайлаб Бухоронинг буюк илмий мансабларини шунларга бера эди.

«Бухороли уламо» илмий мансаблардан махрум бўлдилар. Бухоронинг тубчаклари[8] бош кўтара олмай колдилар. Бадриддиннинг бу ишлариндан гайратли неча уламолар хаяжонга келдилар ва унга каршу бир варака чикардилар. Бу вараканинг бошинда гайратли уламолардан самаркандли мархум Муфти Бурхониддин тура эдилар. Кози Бадриддин ёлгон хабарлар чикориб, муфти Бурхониддинни Бухоро амирининг доимий газабига учратди. Муфти Бурхониддин шу илм билан дунёдан ўтди.

Бу зот ўрнига фирка бошинда устодим мархум Охунд Мулла Гиёсиддин хазратлари ўтдилар. Мархум устодим диний ва шаръий илмлардан бошқа илми калом ва эски юнон фалсафасиндин тамоман вокиф бир зот бўлуб, сўзга хам кўб уста эдилар. Шунинг учун кози Бадриддинни бош кўтарарга кўймас эдилар. Кўб вақтлар кози Бадриддиннинг оғуси билан амирнинг газабига учрасалар хам парво килмасдан ўз никобларига давом этиб, дунёдан ўтдилар.

Бу зотнинг ўрунларига кози Бадриддинга каршу бўлган фирканинг бошига уч зот келдилар, бунлар мархум шайхулислам Бакохўжа хазратлари, мархум устодимнинг укалари Маснаф ва Бухоронинг олим козикалони бўлган кози Абдушукурнинг ўгиллари

Шарифхон махдум эдилар[9].

(«Хуррият», 1917 йил, 48-сон)

[1] Бани Хошим — Курайш кабиласининг Хошим ибн Абдуманнофдан тугилган фарзандлари, яъни унинг авлодлари бани Хошим номи билан юритилган. Пайгамбаримиз Мухаммад (с.а.в.) ҳам шу уругдан бўлиб, тўртинчи бўгинни ташкил килади (Мухаммад ибн Абдуллох ибн Абдумуталлиб ибн Хошим). Хошим ибн Абдуманноф ўглининг фарзанди Абдумуталлиб вафотидан сўнг уруг ичида ўзаро нифоклар кўчайиб кетади. Айникса, бани Хошим авлодлари билан Абу Суфён авлодлари ўртасида нифоклар кескин жангларга айланиб кетган. Бунинг биргина мисоли Бадр газотидир.

[2] Бани Умавия — Абу Суфён авлодларидан бўлиб, Пайгамбаримиз ва чахорёрлардан сўнг халифаликка мушарраф бўлган Муовия ибн Суфёндин. У Имом Хасан истеъфосидан сўнг халифаликка мукаррар бўлган бўлса, халифаликда наслий сулолани расм килдирди (бунгача халифалик Пайгамбаримиздан бошлаб бир кишининг ҳақки эмас эди, мусулмонлар кимни сайлашса ўша халифа бўлар эди). Дастлаб, унинг ўгли Язид, сўнг Валид бинни Абд ал-Малик ва сулоланинг охириги бўгини Марвон бинни Мухаммад бўлган.

[3] даштлик — душманлик, нифок маъносида. Юкоридаги сулолалар ўртасидаги нифок каби бухоролилар билан кўлоблилар ўртасида ҳам нифок бўлиб, маълум маънода мана шу нифок XX аср бошларидаги Бухоронинг таназзулини келтирган сабаблардан биридир.

[4] Садриддин Мулла Тўхмак ўгли — Бухоронинг амир Музаффариддин ва амир Абдулахадхон давридаги козикалонларидан. Шу кишининг сайъ-харакатлари билан козикалонлик Бухорода наслий шакл олган. Шундайлардан бири унинг набираси Бурхониддин эди.

[5] мустахик — лойик, сазовор.

[6] аминона — Бухоро амирлигидаги соликлардан бир тури; ердан олинадиган солик бўлиб, вакф ерларидан ташқари шаръий диний масалаларда фойдаланиш учун амирнинг ҳақки деб белгиланган соликлардан. Козикалон Садриддин даврида урф бўлган.

[7] Куръони каримнинг «Ал-Бақара» сурасидаги жумла.

[8] тубчак — туб ахолиси, асил бухоролилар назарда тутилади.

[9] Макола сўнгида «Бокияси (яъни давоми) бор» ибораси келтирилган. Бирок айти шу номдаги бошка макола чоп этилмаган.